



Hortulus Biblico-Moralis Et Asceticus

Pappus von Tratzberg, Franz

Ulm, 1725

Doctrina 2. Desumpta ex cap. 17. 18. & 19. lib. Deuteron. in quibus
describitur Lex observanda à Rege. Lex de numero testium, & falsorum
testium pœna.

[urn:nbn:de:hbz:466:1-61252](https://nbn-resolving.de/urn:nbn:de:hbz:466:1-61252)

David, de se Psal. 68. testatus: Operui in jejunio animam meam. de Danièle, Davidem secuto profitetur S. Basil. homil. de jejun. Daniel cum tres hebdomades panem non comedisset, nec vinum bibisset, dimissus in lacum etiam leones jejunare docuit, neque enim leones dentes in eum infigere valuerunt, perinde quasi à lapide, aut ferro, aut alia quapiam rigidiori materia concretus fuisset. Veteris testamenti strenuos in hac bellandi arte Duces sicuti sunt plurimi homines novi Testamenti, etiam à prima ætate huic militari exercitio additi. Enim verò Sanctus Edmundus teste suriò à teneris unguiculis sextas ferias pane & aquâ contentus transigebat. S. Julianus Episcopus ab infantia, ut refert Ribald. in vita, ter quot hebdomatîs jejunabat. Id ipsum puer septennis S. Nicolaus Tolentinas practicaverat: Edoctus credo à Nicolao Mirense Antistite, qui etiamnum infans Mercurii & Veneris diebus lac maternum non nisi semel admisit. S. Bernardinus tenellulus adhuc in honorem Deiparæ Virginis Mariæ diebus Sabbathinîs jejunare consueverat. Quid referam de jeuniis adulorum? Quid de abstinentiis virorum & mulierum profectæ ætatis dicam? S. Hilarius modicis sicubrè aridis & exiguô pane decrepitam fovebat ætatem, & S. Hieronymus annos fermè sexaginta incredibilè jejunio exegit, ut meritis ossibus & pelle constare videretur. Nicephorus narrat lib. 12. c. 32. Cùm ob summam annonæ caritatem Constantinopolî in quadragesima carnes venderentur, Christianos tam strictam observasse abstinentiam, ut maluerint fame tabescere, quâm carnibus vesci. Quomodo hæc tibi sapientia exempla, non tantum à viris religiosis, sed etiam à saecularibus: nec à viris tantum, sed etiam ab infantibus & pueris desumpta, cui tam durum est, unâ quandoque solum die veneris & Sabbathi à carnis abstinere? ut taceam nolle te ad aliquot tempus voluntario vacare jejunio. Verum quid inde necesse est, aliud sequi: quâm ad sacra Festa debitè paragenda, & ad obtinendas de carne tua victorias te penitus ineptum reddi?

Doctrina 2.

Desumpta ex cap. 17. 18. & 19. lib. Deuteron. in quibus describitur Lex observanda à Rege. Lex de numero testium, & falsorum testium pœna.

Considera I. **M**ysteriō non carere: Quod Deus versu 16 cit. capit. N. 186. Regibus interdicat multiplicare equos &c. Cùm enim
Kk 2 gran.

grandis eorundem copia videatur ordinata esse ad ostentandam Superiorum insignem Pompam, ad quam sustinendam subditi gravari soleant magnis oneribus: hinc Deus ostensurus, quam agere eam patiatur, prohibet media ad Pompam illam destinata. Si Salomon æternis cruciatur poenit, forsan inter causas damnationis postrema non erit, quod excellentioris fastus gratia quadraginta equorum milia nutriverit, parum cordi ducens saluberrimum parentis sui monumentum, his verbis Psal. 32. expressum: *Fallax equus ad salutem, in abundantia autem virtutis sue salvabitur.* Christiane Lector plange tot milium jam actu damnatorum, & aliorum adhuc damnandorum misserrimam conditionem, quos vanissima saeculi Pompa ad extrema dejicit Tartara, & cave: ne in victu aut vestitu limites quoque excedens, parem aliquando subeas poenam; divinis potius obsecunda monitis, quæ versu 20. cit cap. multò magis tibi quam Regibus in aurem dicunt: *Nec elevetur cor ejus in superbiam supra fratres suos.* Sumptuosior Ornatus Signum Vilitatis internæ est: sic namque rudes parietes præstantiori cultu vestiri solent, quam marmorei & cedarini. Dæmon, qui fortunam omnem Jobo abstulerat, Purpuram illi reliquit: Sed non aliò fine, quam quod splendidior ei esset vestis, eo quoque miserabilior ei foret miseria: nam semel tantummodo miser est, cui miseria nota; bis miser, cujus miseria vanâ mundi hujus Pompâ tegitur. Cum vestieris te coccinò, exclamat Jeremias c. 4. Cum ornata fueris monili aureò, & pinxeris stibiò oculos tuos, frustra componeris, contempserunt te amatores tui, animam tuam querent. Aludit Propheta ad Jezabelem, quæ intrante Jehu Samariam iuornatu splendoris comparens, amari cupiverat; Sed ex alto præceps acta, canibus in prædam data est. Josephus lib. 19. antiquit. cap. 7. de Herode Agrippa scribit: pervenit in Urbem Cæsaream, solemnibus Ludis interfuturus. Illuxerat secunda dies, cuius summò manè in theatrum procedit, amictus veste totâ ex auro mirabiliter opera contexta, quæ radiis exorientis solis perculta, divinum quasi splendorem emittens, venerationem cum horrore incutiebat spectantibus: moxque adulatorum non pauci sumptere ansam, divinò illum compellandi nomine. Quam impiam pietatem cum verbis non castigaret, vidit paulò post supra caput suum bubonem funi extento insidentem, securis per brevi ventri torminis &c. nam Act. 12. dicitur: *Percusit eum Angelus Domini, eo quod non dedisset honorem Deo, & consumtus*

tus à vermis expiravit. Alexius Comnenus Orientis Imperator teste Nicetā lib. 1. in Festo Natalis Christi Legatis Caesaris Henrici VI. terrorem suō Luxu incussurus, gemmatam vestem induit, Ministris omnibus in auro apparentibus. Quo tamen spectaculō Alemanni non tantum nullum concepere terrorem, sed magnā potius cupiditate inflammati sunt, Græcos tam excessivo corporum addictos cul-tui velut homines inertissimos oppugnandi. Tales pœnas jure meritissimō Deus de hominibus nimiō ornatu excellentibus sumit, quia contra illos conqueritur per Jeremiam cap. 2. *In aliis tuis inventus est Sanguis animarum pauperum.* Alas vocat, quidquid ostentationis causa assumptum, corpus ornat. Et hoc plerumque aspergitur sanguine pauperum, dum pretium à subditis pauperibus affictis quibus-dam titulis necessitatum extorquetur. Sicut aquilæ & accipitres, dum minores aves unguibus & rostrō lacerant, earum cruento suas alas aspergunt, ita illi aurō & argentō pauperibus extortō suas exornant vestes, quibus cœū alī usi, alios antevolare volunt, omnium admirationem & venerationem provocatur, sed miserandō plerumque infelicissimoque successu, ut exempla hæc tenus allata probant, à quibus deterritus, si vestitum quæras, tuo statui congruum, & Deo placentem, tales quæras ò Christiane, de quo cap. 18. v. 13. hic asserit Deus: *Perfectus eris & absque macula cum Domino Deo tuo &c.* Et quem pulcherrimè tibi exponit mellifluus Doctor in Sermon. dicens. Indi-gnum tibi judica è pellibus murium & opibus vermium mutuari. Ille est verus propriusque ornatus cuiusvis rei, qui nullā interveniente materiā per se inest. & S. Ambros, inquit de Dignit. hum. condit. *Quis major honor homi-num potuit inesse, quam ut ad similitudinem sui factoris conderetur,* & iisdem virtutum vestimentis ornaretur, quibus *Conditor*, de quo legitur: *Dominus regnavit Decorem indutus est, id est omnium virtutum splendore, & totius Bonitatis Decore ornatus est.* Socrates Laertiō teste lib. 6. interrogatus: an Regem Persarum crederet Majestate, Decore & felicitate plenum? repoluit: *Nescio hercle, quantum virtutis & discipline habeat.* Erat ergo ipsis etiam Ethnicis perspectum: Tunc homines Majestate & felicitate condecorari, quando virtutum ornatu ambirentur. Talis vestitu amictus ò Christiane! testari poteris: *Mecum sunt divitiae & gloria, opes superba &c.* Melior enim est fructus meus aurō & lajide pretioso, & proventus meus argentō electō. Proverb. 8.

K k 3

Conf:

N. 187. Considera 2. Quomodo Deus, ea ipsa supplicia & ignominias, quas invidi calumniatores contra alios moliuntur, in eorum capita retorqueat. Quare decretum condidit cap. 19. cum diligentissime scrutantes invenerint falsum testem dixisse contra fratrem suum mendacium, reddent ei sicuti fratri suo facere cogitavit. Quod autem hic verbis statuerat, compobavit & facto in libidinosis illis senibus, qui falsissimum crimen innocentissimæ Susannæ affingentes, lapidibus obruti, pœnam dedere meritam. Jezabel caninos dentes contra justum Naboth strigens, à canibus discerpta parvus exemplò justissimam Dei explevit vindictam ejusmodi falsis testibus & calumniatoribus destinatam. S. Chrysologus illa Psalmi 51. Verba expendens: *Totâ die injustitiam cogitavit lingua tua*, ait, notanter dici: *cogitavit*. Quia ut aliquam veri similitudinem calumnia in se contineat, & facilius impetrat fidem, necessum est, ut de industria componatur, & fictis imbuatur coloribus. Sed præminum huic industria correspondens ociosus v. 7. subneccitur, testante ibidem Propheta: *Propterea Deus destruet te in finem, & evellet te, & emigrabit de Tabernaculo tuo, & radicem tuam de terra viventium.* En Christiane Lector! quam levere Deus animadvertis in calumniatores. Pone ergo custodiam ori tuo & ostium circumstantia labiis tuis, ut non declinet in Verba talis malitia. Sin vero contingat, tuam personam injustis aliorum calumniis impeti, à quibus paucos reperies securos: ut cù facilius tibi eveniat, easdem patienter perpeti, confuge ad Deum tanquam ad Urbem Refugii. Is planè, uti testis est Innocentia tua, sic erit ejusdem quoque defensor & vindic. Cogita: quid egerit Salvator tuus, tot calumniis & falsis testimoniis olim impeditus? quid egerint discipuli pro ebriis habiti? audi denique hominem etiam Ethnicum, hortantem te; quid calumniis affectus agas. Quanta dementia est, inquit Seneca lib. 4. Epist. 92. vereri, ne infameris ab infamibus. Quod stabulum à se stercus mittat, nemo ægrè fert, si sapiat: nec quisquam prudenter irascitur sterquilino, quod foetorem exhalet. *Calumniam tibi quis infert?* ait S. Chrysost. Serm. 10. in Rom. 6. atque hostiliter adversatur? causam is tibi vigilandi paravit: occasionem præstít, ut similis fias Deo: si enim dilexeris eum, qui tibi insidiatur, similis eris ei, qui solent suum oriri facit tam super malos, quam bonos.

Doctri-